



一山文集

提要

謹案一山文集九卷元李繼本撰繼本名延

興以字行東安人占籍北平登至正十七年

七進士授太常奉禮兼翰林檢討考其代雄

縣知縣所作禱雨文內稱洪武二十七年則

其人明初尚存矣朱彛尊明詩綜蒐羅最備

獨未錄是集殆以未仕于明故與楊維禎諸



人一例不載顧嗣立元百家詩選亦未收入  
則疑流傳頗少嗣立偶未見也其詩文俊偉  
疏達能不失前人規範長歌縱橫磊落尤為  
擅長其中往往有好奇之弊不免失之于野  
然較諸剪紅刻翠以詞為詩者實更勝矣乾  
隆五十一年五月校

一山文集卷一

賦

喜雨賦

辛亥夏余寓繁峙彌月不雨五月二十有二日大雨  
作喜雨賦

五臺之北五原之陽太行削雲間之老翠潯水落天上  
之銀潢澗畝縱橫池館清涼雞犬靜其無華花竹秀兮



有香臥雲子游而樂之遂解裝林下而卜鄰於暖泉之  
傍鄉大夫喜其來而懼其違也相與剗荒榛締草堂開  
蔬圃拭藥有囊琴在御有書滿牀奚奴舂柳陰之白粲  
隣父過牆頭之絲觴步明月而歌窈窕臨逝波而咏滄  
浪跡絕於城市心息乎紛攘蓋將奉親以自樂而高臥  
乎白雲之鄉孰期涉茲盛夏天悶膏雨憂心殷殷莫知  
所處赤日如焚旱氣旁午牛喘欲頽龍臥不起粟苗半  
焦麥實成秕穹林偃兮槁木破釜啼兮渴鼠地靈縮萬  
井之源海若收百川之水罷千門之莞絃嘆五方之高  
旅乃有戴白之翁垂髫之子軒寒潭之清泠羅金縷之  
香幣走龍祠以祈靈荐牲俎以陳禮旌幢綯兮九霄笙  
鼓訇兮百里娛以優伶雜以士女既醉既飽載笑載喜  
眇天澤之少啟冀神心之暫啟俄而玄霾塞序次寥密  
霧沉序階祀恍疑起潛蛟於岩幽而捲怒瀧於江渚也  
少焉明霞收流電止日迎霧以霽登風吹雲而披靡氣  
將交而復離惠將布而復死兆姓吞報而無離萬口箋



天而天死巍巍皇穹憫民之窮沛然下雨當茲五月之  
將終方是雨之欲降也炎光隨地層陰蔽空萬壑封穴  
百鳥號風日車騰騰以邁邁雷幟閃閃以交攻山川晦  
靄乾坤晦蒙雷震天門之鼓水涌馮夷之宮及是雨之  
既作也噴灑空際飛流海東浪奔平準之雪和走長橋  
之虹瀉天瓢於八極散銀竹於千峯迴生意於萬象蘇  
渴望於三濃既而陰氣解敷晴景冲融雲浮浮其若練  
山宛宛其猶龍鳥嬰嬰其相樂木翁翁其成叢平疇漲

萬頃之綠竒葩吐千林之紅容有登空山以遐睇鏘環  
佩於雲中藉縣縣之草茂蔭落落之長松暝靄逐遙空  
之孤鷺天風度荒寺之遠鐘俯仰宇宙披豁心胸但見  
火輪千丈西渡銀海涌出萬朶金芙蓉雨其霞飛林表  
烟斂天末柳暗歸鴉簷喧乾鵲送西山之夕陽掛南樓  
之朱箔槐色浮而庭宇清花陰轉而簾櫳薄紺帙曬兮  
芸軒酒飾揭兮山郭烏犍耕白水之涯紅袖舞清風之  
閣涼入兮練衣香潤兮錦囊於是華者實槁者活疾者

瘳憂者樂三農得是雨而澄明雨儀得是雨而開廊太  
和得是雨而流行沴氣得是雨而銷鑠彼棠蔭之金美  
則美矣而惠不若是雨之博垂棘之辭貴則貴矣而恩  
不若是雨之溥飛潛動植皆為之豈舒耆耄幼稚皆為  
之欣躍信天下之至寶非一物獨得而需濡誠宇內之  
奇珍非一人獨得以囊括天降斯雨豈人所作人被斯  
澤非天曷託彼有備百禮以禱於鬼神者孰若精一心  
以求於宴漠也臥雲子復怡然語諸鄉大夫曰始而不

雨吾意天實珍厥下民矣既而大旱吾意天寔隕厥兆  
人矣一雨如沐九土皆春天錫吾氓惠也孔設吾將結  
青山以為侶招白雲以為隣畊田讀書以終老於潭水  
之濱迺歌曰雷雨滿盈兮蕩乎無垠氣化迴薄兮出乎  
無門使天雨王兮曷若野橋流水清無塵使天雨珠兮  
曷若石田茆屋屯秋雲吾何以酬天地之大德兮惟有  
丹心一寸橫蒼旻

五言古詩



王氏別墅

旭日照遠水搖映青松林丹霞散餘彩翠烟鬱沉沉好  
鳥弄晴晝嘉禾敷繁陰天靈風物幽高爽澄清襟解琴  
一奏之細和山水音嘯歌以相羊頌仰獲我心栖遲歲  
年晚將歸故山岑

送李頌文

維齊古青州其地山水秀嘗遭國大祲夾輔猶腋肘宅  
土稱上腴財賦等湖右竒閭久乃隳完城失封守妖盜

起潢池跳梁哀林楸白晝燒通衢戎馬相踐蹂屋化飛潢

塵灰莽莽草木茂往年大姓家存者無八九兵興歲無

靈穡事廢南畝紛馳赤白囊烈勛徑何有上貽國之憂

軫念夜達晝簡師行天誅岌岌不敢後秦中出精甲長

道屈醜羣言言七十城易若摧瓦缶大野熄烽烟多士

釋介胄雨河關梁通中原絕紛糾行者如螳旋居者如

輻湊濟南李徵君累業文獻舊躬耕食其力園田如錯

繡自經喪亂來避地東白走草食面削瓜布絮体盈垢

先師有遺文一一付君手萬死逃一生收藏免脫漏吾  
嘗觀其書篇章燦瓊玖讀之京華館霜月動虛牖尋將  
刻棗梓上儼鍾鼎壽古稱賢弟子君乎寔無負始予未  
相識聞譽則已久昨往過山齋衡扉竹外候吐飯欣接  
之笑語忘辰酉論議志超絕白日雲霧剖讀書不窺園  
焚膏在研究巢由尚羊裘祿仕不掛口譬之天馬駒不  
肯戀棧豆裹糧出都門歸期迫夏首春容耀桃李川色  
潤栲栳太行入青雲千峯淡如帚黃河浪卷天風雨怒  
蛟吼路經百戰場青苔白骨朽抵家拜邱墳狐狸上荒  
阜俯仰成古今野哭雜山溜莫傷門祚衰晚節當大就  
立言紹前修蚤夜獵文圃為國植英才民俗盡歸厚我  
家漢水上昔別齒尚幼巖危十餘年骨肉知在否君歸  
我何如涕泗滿衣袖執手河之干臨風一觴酒人生會  
合難豈不懷親友相期保令名良時不可久

江寧圖

江晚月未上白烟滿芳洲雨止山氣佳衡扉在岩幽浦



迴沙漫漫松深露浮浮水田早稻熟稍欣獲有秋曠爽  
來清風朱夏炎歊收野人樂江居垂綸水西頭得魚送  
隣家酒好仍見留童仆喜相隨浩歌送蜚鷗古詩時放達  
人傲睨輕王侯馬能繫塵鞅憧憧為身謀我家漢水上  
田園雅綢繆穀苗含惠澤井洫交新流收穫賙族黨天  
心良不媮一自來京都星霜儵十周寄食仰俸粟曷免  
生事憂憂藥物糜病身曠望增夷猶翩彼南飛鴻肯寄音  
信不

阻雨題栢山驛壁

黯淡連朝雨山陰遮微涼絺衣含秋潤散髮此相羊白  
鳥啼青林間水亦浪浪隱人不可見思之雲路長歎歌  
忽終晷西日下平岡

富庶驛

羸馬下危坂返照在西林長風度清壑澗水鏘玉琴好  
鳥鳴幽谷晴雲起高岑解裝背村塢小憩青松陰嗟我  
忝代祀凜凜懼不任巍巍廣寧祠蔓隔遼水得龍光遠

被之紫氣鬱沉沉  
天香被草木翔舞  
有胎禽黍稷不疵  
癘雨露煦以深  
靈怪亦率職  
田野絕紳吟  
顧子蟣虱臣  
至喜動微忱  
茲願倘可遂  
庶慰吾皇心

山中書事

圖史列坐隅  
深居惟幽情  
溪上青山多  
開軒眼增明白  
鳥烟際來清風  
竹間生抱甕  
汲新井佳蔬有餘馨  
嬾散時自適  
收書松下行  
青苔沒屐跡  
涼露尚沾纓  
入雲間  
山寺忽聞疎磬聲

松下鼓琴圖

兩崖何蒼蒼  
長松在高岑  
月出屋東頭  
微雲生夕雲  
道人眉宇靜  
松間調素琴  
商聲泛林莽  
流水為知陰  
我欲往聽之  
青山白雲深

七言古詩

仲冬月

斗標建子仲冬月  
曉天雲掩殘月魄  
滿城霜氣利如刀  
敝褐蒙頭出不得  
旭日無光風伯怒  
冰合水泉厚地裂



憑高曠望目力超瀚海天山千丈雪波濤水闊蛟龍宮  
原野深藏狐兔穴南山榛栗盡枯死出獵何人馳駟戲  
俄頃風收氛鬱醫開萬里雲天清帖帖青旂颯酒家樓  
杖頭恰有錢三百何物小兒為侶儔座上能詩有仙客  
月斜醉倒花樹下銅龍漏下五十刻

壁間雜畫

山中之人氣奕奕愛畫雲山與水石遠山近山恣一揮  
頃刻生綃數十尺今代只數高高尚書妙處不減米家筆

後之善畫者為誰青山白雲久蕭瑟忽驚座上烟靄生  
漠漠平林翠如織平生夢想不可到乃在君家雪色屏

花發窮林破曉紅水合長天蕩晴碧蘆邊雁影落迴汀

沙上漁衰曬斜日白髮蒼頭顏四老人棋罷松間坐爭席

筍皮笠子大如傘織歸去不愁山雨濕爐經九轉鍊丹成

杖掛百錢酤酒喫眼看此景不可親况復懂懂事塵役

會須結屋山之阿更求好田水之曲側野人生理日有餘

畔歸牛角懸書帙茆簷夜火促寒機古甸秋風收晚粟粟

安車若使下邱樊為報先生不可出

福源精舍

京城六月日如火風軒散髮執書坐頓嫌城市多煩囂  
欲買田廬何處可素几茶甌吹碧香有客敲扉偶相遇  
為言越中好山水厥土膏腴不偏頗魏氏之子文貞孫  
玉樹臨風色瑤瑤讀書浙水之東頭鬼今撫古以自課  
夏蓋湖光白湧雲福祈山氣青浮座三江帆上暮天長  
八月湖平秋水大亭邊獼猴長如人月黑林昏盜山果

桃源人家疑此是洞口雲深畫無鎖百壺滿醉江南春

擊缶高歌兒子和西蜀少陵恒苦吟南陽武侯尚高臥

文貞昔在貞觀中大節堂堂不終挫好將舊學佐朝堂學

行見英風振頑懦索居何日賦歸來盡理遺書載輕轉舸懦

我昔耕牧峴山陽門前水田足杭糯十年道阻不可歸

江上秋風茅屋破田舊栽松栢定成林石牆竹梢添幾箇

向來耆舊安穩每無一思之淚交墮福源林壑倘見分

卜鄰擬住山之左客歸好語仲遠君歲晚寄書頻報我



安○墨竹

近時海內稱畫竹息齋筆意何突兀蒼然寫此風露枝  
墨花落紙秋萬斛怪處不減文湖州展玩晴窓醒心目  
竹邊蠻石更陂陀便似著身游鱗谷青溪過雨山霧寒  
白月出林烟水綠葛陂老龍頭角禿夜嘔雲氣黑如沐  
白晝慘栗炎敵收展書宜趣清陰讀我有竹林漢水西  
兒時學種如種玉春翠森森抽細筍風碧娟娟散幽馥  
有客清似王子猷拄杖敲門往來熟欲歸料理不可得  
夢遠江村白沙曲安得大絹長安餘請君為我作橫幅  
寫我只作六逸傳挂在秋風江上之小樓

題畫

山翠浮空初過雨山麓晴雲散芳渚霧合長林生晚寒  
有人家更在林深處澗泉六月翻松根石洞千年隱仙侶  
有誰共奕橘中未無人間路桃源去白烟遮盡青林花  
野蕨嫩香應可茹清幽不減山之陰只欠蘭亭列觴俎  
誰手寫此怪而奇莽莽雲山入毫楮細看猶有遺恨處

樂

胡不著我山之墅我生本是邱壑姿誤落京塵幾寒暑  
小時耕牧峴山陽間從野人學種樹門前魚浦啼竹禽  
屋上鶴巢走松鼠獨行採藥日暮歸繞得芝朮一斗許  
縱令服食不得仙何若長年<sup>執</sup>禾黍小村秋晚雜正肥  
大甕春浮酒新煮老翁醉舞兒子歌笑語諠譁忘賓主  
此樂不見十許年兵火煌煌照南楚思歸見畫萬感生  
悵望風颿橫浦淑時清即好謝官歸全家移向山中住

黃崖寺

黃崖秀絕不可畫山際雲飛如走馬東來無此好雲林  
况逢野衲同清話茶烟侵午客題詩松籟吹涼僧結夏  
人間塵土誠污人何時息影禪林下

寄江都縣丞求船如江東

候船十月留瓜渚寂寂衡扉隔霜樹江頭白浪大如山  
空外青山橫一縷出門顧影與誰儔市上泥深過尺許  
愁來買酒醉秋風睡起開軒看山雨<sup>涼</sup>棄<sup>涼</sup>辛苦如金金陵  
夢繞山中讀書處今茲胡為乎久留行止闕天非不武



江都二縣才且賢念且我漂零留我住高情好逐萬里風  
穩送孤帆過江去

漁陽客邸

城外雲山濃似騎綺屋裡琴書靜如水石爐添火試松香  
裊裊寒雲起飛不起天涯倦客此停驂茶竈烟銷猶隱几  
奚奴呼覺日平西一片秋聲響牕紙

長短句

水北書事

闕

山齋雨坐

闕

洞簫歌

闕

三友圖

闕

贈張談天

闕

柳居圖

闕

先生夙昔華川山中好隱居門前十柳青扶疎種來不  
記幾歲月生意藹藹荒吾廬先生一生好心事放跡其  
下樂有餘垂垂露葉覆軒戶爍爍雪絮吹琴書清風蕭

一山文集卷一  
三  
琴來枕席流水汨漚鳴階陰或逢棋或對漁隔浦蕩輕  
航呼童中小車丸藥聽黃鳥攀條穿白魚野老爭席樹  
陰底涼影團團搖酒壺山中之人有天趣丹墨點染成  
畫圖若非下惠當時宴休處定是柴桑處士之故墟自  
持御史節朝夕賦歸歎載歌柳居柳臨觴惜居諸既不  
能歸田重培育又不能馳書問何如風瑟瑟動干旛露  
涓涓沾佩裾千絲萬縷亂心由渺渺送思飛雲衝寄言  
子孫愛惜之要使清陰大茂吾里閭

雪溪漁隱圖

窮陰塞玄冬萬里起墨色爰有子陵之徒任在溪上頭  
渺渺孤舟釣風雪玄冥尸化樞天地為冰壺霧散烟銷  
野馬死溪山佳處好隱居繁虞舞空雲黯淡長風捲海  
天糝糊壯哉滕六火有意為我漁家掃出萬幅真障圖  
真障圖世莫比一釣鮪與鱸再釣魴與鯉三釣鯨與鼈  
生殺在釣餌失之何足羞得則良可喜今者得魚亟烹  
之婦曰有酒無憂矣須臾爛醉臥蓬牕船頭雪深尺有



咫尺酒醒推蓬一開眼茫茫萬境白於紙乃知江湖之上  
多高人借有駟馬高車安肯起讐太公友嚴子何妨老  
作烟波士湖之濱江之滢書可讀穀可藝君將志荃予  
遊世

紫荆關

吾聞紫荆關關是古來天險處勢通恒嵩抗天柱棧路迴  
出青雲端岩瀑喧虺噴灑長空對之可以崩塵慮往年  
龍虎紛拏戰血飛煌煌萬騎闕前住只今平世天下清

千里桑麻旆旆連郊墜行旅不探寸兵甕城不勞鍊鑄  
王元不封園關泥孫子不書馬陵樹關南孤戍夜火稀  
關北團茅小家住今我自西來飛霜滿衣絮林下有高  
人怡然此相遇烟霞郵館午停驂風雪軒牕夜聯句家  
山咫尺望不迷寫書先寄賓鴻去須臾日車飛上扶桑  
紅一騎已出東山東

正已堂

登君正已堂聽我正已歌大質不返混沌死羣邪乘正

一山文集卷一  
勢駢羅乃知正人必正己已既不正如人何惟彼古君  
子卓哉心靡他力正學嚴切磋敷正道貴漸摩吐正論  
排私阿誰其似之陳幕長壯顏毅色橫星河秉心一以  
正心源澄朗無驚波居家一以正家人唯諾春陽和蒞  
官一以正官曹肅清止譴訶未絃冷冷白日靜玉樹皎  
皎清風多素絲羔羊祭如雪自公退食何委蛇乃知穹  
壤間細大理則那乾道失其正陰陽寒暑皆錯訛地道  
失其正山川草木皆札瘥人道失其正綱常典禮皆偏

頗史之直汲之蠶推強植弱橫金戈明廷一日振風采  
凜凜正氣永與金臺萬古同巍峩

湘中老人圖

湘山高湘水深樹森森湘猿吟日將莫翠霧丹霞滿芳  
渚碧草淒迷南浦春紫蘿搖動東風雨龐眉野客來何  
所袖拂輕颺過孤嶼嶼掃苔坐讀黃老書展卷之間會此  
千古之奇趣九疑飛翠空中來路遠滄江獨歸去雲漫  
漫烟水寒日慘慘江雪殘浩蕩孤懷渺天末環珮飛上



青雲端雲白山青互吞吐蒼茫隔斷來時路古人已逝  
等埃塵招魂不歸正愁予空留糟粕在人間地老天荒  
竟何補何時掛颿直上海之涯為看湘中老人讀書處

瞻雲圖

朝出看燕山雲莫歸行燕山道道傍雲氣光動斑斕衣  
千里飛來白如掃長天愁迴陰冥迷虛室宵清神皓縞  
太行一髮半落天之南翠彩浮空散文藻縉山更在天  
南之南海樹邊白髮高堂歲晏驚寒早三年書斷安穩

無母一思之心慄慄風迴雲杪思飄揚月墮雲西夢顛  
倒白雲半幅細入天機中寫出狄公心事炯炯隨雲照  
穹昊雲無心人有情物易化情難老朝看雲莫看雲縉  
山佳處安得乘雲忽飛到雲中人拂黃中山中雲護丹  
竈從龍奮迅直上青天飛變化無方契玄造天下蒼生  
正須霖雨之慎勿極岩扉閔鴻澤負明時

松雪翁畫馬

西海之西天地翕合敷靈氣天產天骨超崑崙月窟而

東而北幾萬里是馬乃能籟星辰踰渤海掃空冀北凡  
馬羣曹將軍是開元以來善畫者蚤以絕藝動紫宸不  
問驪黃與牝牡筆力到處春無垠往時嘗見一二本世  
之畫者徒紛紛吳興學士昔在詞林館畫馬畫馬咄咄  
能逼真玉堂朝日射碧瓦瑣窓晴雪吹青春文章之暇  
奉詔寫龍種冰綃萬幅清無塵此圖神采更飄逸妙處  
不減曹將軍飛雲滿空散靈雨五花凌亂曉濕蒼龍之  
人言此是明皇御愛者天香瀟鬱飄滿身瑤池渴飲雪

澆滄霜蹄迴踏雲嶙峋黃鬚圍官似是太僕張景順白

幼調馬馬亦馴想當牽未赤墀下皎如飛龍下天門山

齋看畫白畫靜丹粉如沐清心鬼龍媒一逝九霄隔龍

沙決滌霜風春縱今有馬無善畫誰與寫之傳世人矣

興自古作者高風遠韻不可聞九涼安得處公死死請

公為我放筆電掃層空雲陳君愛畫不弱南金與西玉

百迴展玩當爐熏南金西玉可力致嗟此神物曼然獨

立而無躡鳥乎神物為物固有神直恐變化為龍飛上



清都紫微之帝閭

呈縣公并東判簿長司

北方守令之才幾人得似賢侯者炳烈聲光動朝野金  
莖承露曉蒼蒼玉樹臨風秋洒洒惟茂恭與遂霸侯也  
直欲躡足青雲攀逸駕三年理劇割牛刀生齒林林霑  
惠化風迴芹沼汎鳧鷖水滿稻田抽穰種花村社鼓林  
邊搗茅店酒旗烟外掛啁啾絲管勸農歸杏雨滿街紅  
撲馬五絃清響奏虞歌三峽崩濤翻鄴瓦去年上計如

旅

京袖拂天香五雲下竹馬重迎郭伋來和風歡謠騰羨  
舍揚休教談鋒磊落肝膽傾往時辭家上策登轅門奇  
氣萬丈橫秋宴六韜三畧常在手擐甲上馬忼慨踐北

庚黃金散衆虎旅集紅旂渡海鯨濤平只今太平不用

武牲牲不鳴雞犬鳴况戾豈弟愛百姓東郊西社歌豐

登邑有倅弼厥能幕有長贊厥成如此一時賢令佐有

若同氣好弟兄三花歲徃月窟靜入窓窈窕冰壺清嗟

小人藉培育翫離長驅但今粟孔融豈計酒長空鄭老

體 歲

惟憂飯不足負米歸來氣慘悽風雪連天遮草屋短衣  
破帽入新年抱子簷前曝朝旭喜隨父老拜旌軒生意  
昭蘇迴槁木山之隈水之曲石徑荒寒古苔綠拾薪莫  
逐嶺雲還脫巾時向松潭沐侶魚鰕友麋鹿牛角掛書  
田裡讀漢家史記滿牀頭卓魯龔黃在心目直須為侯  
濡豪沐繫紀循良留待班馬諸公親纂錄

琴堂曲為永清劉尹作

琴堂清文窈窕窈窕雲霞明七絃彈出太古意光風遠郭

流春聲春聲滿天地泛羽浮宮蕩和氣惟侯之政廉而  
仁敷也惠慈前暴厲惟侯之心公而平擅發伏姦施愷  
悌視民如傷民德之生意昭融一時寫作琴中趣堂上  
琴音沉沉玄猿抱月啼空林琴上絃散淵淵老蛟卧雨  
吟寒泉有時拂軫青松邊白雲飛來清可憐有時度曲  
香案側水沉鬱鬱飄晴烟此琴不是相如之所蓄此琴  
不是伯牙之所傳乃是當時子賤道古道物置之茲堂今  
幾年縣庭事簡書靜抱琴危坐心悠然古來寥濶不無



可續侯也直須為奏周詩三百篇世雖久乏知音者時  
復鼓之聊以陶吾天馳聲海內永不朽七閩山水萬古  
增光妍我欲學琴恨無緣我欲買琴苦無錢山空月白  
琴響絕把杯長嘯天風前

送李希文典教東船里

送君行君行直到東船里風物幽迥宛似江之南土壤  
肥夷可以藝稷黍茫茫墟市隔林皋寂寂衡茅蔭溪水  
天空鷗鳥閒地古風俗媿鏗訇教鐸振文聲子衿揖讓

春風裡我欲乘槎直上海之崖魚龍掀舞烟濤起老翁  
曬網立船頭兒子叉魚傍船尾灘聲奏曲響琴窓水風  
吹香墮書几先生宴坐清可人陶寫神情舒四體攜壺  
觴臨沼泚或開襟或洗耳或賦長歌詠古今或棹扁舟  
弄清泚世間萬事豈足掛心旌為問此樂平生還有幾  
誅茆結屋與君隣我欲浮家泛宅學舟子雲水之  
間栖遲之樂可以忘歲年不知老之將至矣

石鼓歌

乾坤清淑之氣蜿壇扶輿亘西極化作岐山之陽石鼓  
十六丁二酉剗斷崑崙之瑤峯縹緲雲根墮<sup>墮</sup>穹碧層崖  
秋碎方祇愁大星宵隕圓靈泣中虛不露疏鑿文太素  
猶涵混沌質偉哉周家宣王中興時戈鋌慧雲九縣一  
明堂受朝羣后来天威不違顏咫尺岐陽之狩載揚國  
之靈王氣騰霄何赫奕八鸞聲戛秋風高九旗光動朝  
暎赤歌車攻詠吉日張皇維昭帝績泰山盤石之祚炳  
烈千萬春勒之貞珉古無匹其形如鼓不可扣之鳴其

體

渾淪絕似大造無痕跡其字道逸宛是篆與科其文

古雅髣髴周之什吉甫歌史籀筆制作森嚴照岐邑年  
多物化理則然金字半滅無人識老蛟摧裂野火焚古  
墨淋漓苔雨蝕青城學士昔在大德初見之林下久歎  
息入朝亟為丞相言如此至寶何以可弃擲大車彭彭  
稅致未孔庭天地風雲亦動色我嘗愛此十鼓文字奇  
撫玩摩<sup>摩</sup>焉不知日之夕荏苒光陰數十春春風吹愁髮  
生白近時再過石鼓旁階草蒙茸沒雙屐細看字畫轉



么麼徒倚迴廊淚沾臆東安鄧尹彈琴清桂林議論文章脫塵格平生好古如古人直欲蒐抉周秦之故寔里中更有朱先生白首著書窮日力寄書遠訪石鼓文細字滿笈珠的皪書中宛宛見高情識者箋之爭愛惜乃知先生好古不減吾鄧侯吾徒委瑣豈復如先生喜新厭舊猶劇劇吾友秦郵李希文新來小篆亦傑出夷門梁君子宜著學張顛之草書電掃千軍爛如拭我生雅恨不能書每見名家如有失朱先生古遺直甚欲相從

不可得山中茅屋書滿牀何時一到虛軒分半席直須

和我石鼓鼓歌我退蘇韓入堅壁鳥乎古之作者往往苦僻

用心豈惟杜預雅有春秋癖今人無復見古人徒勞紙

上賞遺墨魚目滔滔久混珠後來此鼓誰收拾燕之石

等圭璧荆之璞同瓦礫古風不返天茫茫何如爛醉林

泉泉舉臥苔石

凌節婦

明山清鄞水碧山水之間好田宅宅前華表高出青雲

端金字雙題燦星日秋窓隔樹霜燈明白髮婦姑宵紡  
績冰寒績斷心緒勞門掩淒風抱兒泣風吹兒聲轉飄  
揚愁雲壓樹墳草黃夫君骨已化青天杳茫茫炳烈干  
古心迴隨白日懸穹蒼弓冶傳家好孫子丹桂滿林吹古  
香異哉一門兩共姜至今大江之南奕奕有炯光我嘗  
攷古節婦為傳記積雨林靡散秋氣雲開日出海霞飛  
萬丈朝暉射天地無情滄海枯惟茲節婦之節古難敵  
我生也晚無復見古人唐虞世遠虛獻教安得鞭曹隆

叫閭闔篋皇宮盡令薄海內外迴淳風

雙鶴吟

若有太古之仙乃在瀛州之上方壺之間門前雙鶴不  
知幾歲月雪飛風舞迴迴隔青雲端天空月白雙影靜玉  
笙合奏瑤臺寒石壇瞑踏松子落林暎晴啄苔花殘仙  
翁手執相鶴經一卷逸思汎若孤雲間興來引雙鶴笑  
入三茅山茅山三中瑤草碧九峯雨散春烟濕鶴飛亂點  
點層峯青彩鳳蒼鸞往往與相識價重不減雙南金剪



瑩不弱雙白壁不慕懿公之華軒不逐王喬之飛舄不  
巢西湖處士之孤山不憇黃州謫仙之赤壁棲紫霞護  
丹室六翮稜層曝朝日友茅君呼木客盡日聽琴香案  
側山中之人問訊時相過蟬聯飛繞羊公石鶴之逝風  
翩翩遙空雲落秋無邊鶴之返山娟娟紅塵不到芸窓  
前恍如元方季方在潁穎谷倏如陸機陸雲來洛川燦如同穎  
之禾敷秀唐叔壤宛如王雎之鳥著美周南篇薛公之  
鶴何其彩趙抃之鶴何其偏異哉兩仙骨不偏不夥全

其天問鶴往時託巢在何許邈在遠海之東華表柱間  
仙豢鶴到今凡幾春前五百年嘗與令威一相遇鶴飛  
來向何所不渡海之涯不涉江之浦直欲飛近天上神  
仙之官府天門寥濶不可通誰到十二瓊樓最高處莫  
延佇鄧林之廣豈無一枝之可栖何為乎涉雲霄冒風  
雨春去秋來恣軒翥仙亦竟不留鶴亦更不駐山邪聊邪  
笑我蹉躓於風塵相隨直上青雲去

蟬嚙嚙

蟬嘒嘒老樹秋風暑初退閨門忽起思婦悲歌枕聽之  
墮雙淚去年夫征淮水頭天明上馬操戈矛今年夫戍  
玉關塞日夜驚危誰足賴不如爛爛雲錦機織成迴文  
製君衣不如湛湛長江水流恨隨君千萬里白首會面  
知無難願君竭力軍旅間太平無事荷帝力遲君歸來  
慰家室鑿鑿之石如妾心空山絕磧秋欵崙青山之松  
如妾操大雪巖風不凋耗石或可轉松可摧妾心萬死  
不可回

暇日與客出忽大雨倉皇無所避頃之聞市中小  
屋呼曰晴拳裳涉水就之主人欣然相留俄而陰  
雲四豁紅日青霞閃映可愛但流潦如奔泉平地  
成大河時小兒六七浮水為舟作水嬉因以木閣  
水際度坂塗踰數十舉武憇楊秘書曼卿先生家  
將歸雨復大作又憇僧舍至晚不可留也乃歸明  
將賦其事與客一笑

時年二十四

墨雲如山白雨傾神怪出没雷電驚走避人家屋簷底



平 地 成 河 斷 人 行 此 時 惟 我 與 一 客 只 恐 水 深 歸 不 得  
疾 風 吹 樹 如 捲 濤 城 上 翻 飛 墮 楓 葉 劃 然 開 霽 天 色 寒  
五 鳳 樓 閣 青 雲 端 河 橋 酒 旗 曬 斜 日 恨 無 千 錢 比 盤 桓  
褰 裳 涉 水 泥 到 膝 倉 皇 不 復 辨 南 北 市 人 如 螻 歡 相 呼  
古 濠 積 潦 深 三 尺 秘 書 宅 前 芳 樹 林 翠 陰 滿 地 何 蕭 森  
主 人 愛 客 欲 少 住 鮮 飀 入 閣 開 煩 襟 出 門 復 憇 秋 水 寺  
四 顧 徬 徨 雨 如 霆 天 昏 地 墨 蛟 龍 愁 我 行 如 渡 銀 河 去  
安 得 渥 注 龍 馬 駒 乘 之 白 日 朝 帝 居 只 今 汨 沒 在 泥 塗

非 癡 非 狂 亦 非 愚 人 生 天 地 亦 寄 耳 晦 明 變 化 知 何 如

度 居 庸

歲 暮 矣 風 淒 淒 車 中 行 客 胡 不 歸 一 車 南 一 車 北 南 來  
北 去 何 時 息 車 行 欲 近 關 上 頭 鞭 牛 不 前 吁 可 愁 須 臾  
推 挽 在 平 地 車 中 兒 女 歡 且 謳 短 褐 蕭 蕭 風 雪 裡 山 徑  
荒 寒 多 虎 兇 呼 兒 取 火 供 晚 炊 瓦 釜 黍 米 和 沙 煮 黃 昏  
霜 宿 官 道 邊 茅 店 鷄 鳴 載 行 李 殷 勤 起 謝 車 中 人 萬 嶺  
千 山 多 辛 苦 嚴 風 吹 霜 皮 肉 死 一 身 只 有 筋 骨 存 安 得

筋骨化為山下土填却千山萬山無險阻盡使行人免  
愁苦

贈周掾

楊震辭金廡以公釋之審讞仁以忠誰其似之君卿氏  
直與兩賢齊高風周公善政久顏敝秦漢而來由吏治  
煽威作福誰禦之如以蛟龍視螻蟻君昔試吏西曹時  
以庶律身人是之豈不知蕭相曹侯稱畫一當時皆自  
刀筆出

上總戎

大將軍出沙漠萬里河山盡開拓馬嘶紫塞霜草寒鴈  
飛白海煙濤濶旗拂戎帳空箭穿魯縞薄虜其名王歸  
四面凱聲作功成獻俘蒲萄宮天青日白開鴻濛遂使  
樓煩林胡之遐壤化為冠帶衍為提封明年草青春色  
濃征人解甲醉卧林花紅我恨不識趙充國又恨不識  
塞上翁拔劍起舞歌春風

大雨喜晴奉贈巖栖賢尹蘭莊廣文鳳臺之行



昨日雨方休今者復大作蜚廉鼓索震霄衢淵客泣珠  
送谿閣白海飛流紫塞空銀河倒浸青天濶三閩遙九  
源合舟迴誰復辨渚涯郊行何處尋墟落稻葉青起風  
幡幡野田綠滿水活活吟臥聽琮琤樵歸迷畧約蝸廬  
一片林烟昏雞塞干營瓊帳薄雄縣城中百數家東街  
西街平地成溪壑瞻飛龍聽鳴鶴吾獨胡為久因泥塗  
中何不乘風破浪從此以揮霍破室燈昏仰見天一夕  
九從不得眠大兒愁衾裂小兒嫌履穿芒履外內滴瀟

潦葵砌高下奔清泉虛牖風顛塵亂舞壞墻泥墮高帽  
偏衰翁避濕龜項縮穉子擎蓋為肩旋滂沱急霆烏鼠  
穴紛霏亂點蟲魚篇劃然快覩好晴景金臺千仞青雲  
端揮碁局揮酒錢酒邊舞影何踟躕何踟躕欲掀舉花  
縣芹堂捧幣函香覲鶴籙丹心炯炯照皇穹縹緲祥烟  
飄鷺渚看君增秩賜金歸盡把鴻恩化作溥天之膏雨

一山文集卷一

青泉山前風氣清  
林下幽然  
金臺寺  
山前  
風氣清  
林下幽然  
金臺寺

一山文集卷二

元 李繼本 撰

五言律詩

龐村

野曠烟花白  
林深露草香  
雷聲送雨過  
山氣入雲長  
遠水鷗邊淨  
薰風馬上涼  
長亭無限好  
暫此解行裝

秋日山行

林路鬱迢迢  
村行野興饒  
雨山青入屋  
一水白平橋  
掃



石收松子畊雲種藥仙  
苗人玉質輩應向此中樵  
贈杭州包知事與直

大府已從事才華早見收  
孤忠橫北斗清節照南州  
白雨江帆暮青楓水國秋  
向來憂世意惟有淚長流

且起

曙色動高城鐘殘攪馬鳴  
千門春放暖十日雪開晴  
勳業非吾事詩書寄此生  
青衫王粲老猶欲俟河清

游春長宮

飛觀連霄漢山門一徑幽  
青林藏雨暗白水抱城流  
未脫塵中趣虛傳物外遊  
回駭西日晚清磬起層樓

出獵圖

大漠陰風起煌煌獵騎來  
關弓霜月滿吹角塞雲開  
射虎漸無術呼鷹漫有臺  
蕭條空見畫粉墨亂塵埃

早過五門

霜白桓樓晚寒鴉城上啼  
微雲閭闔外科月建章西  
憂國心常切成功計轉迷  
十年京闕外貧病尚羈栖

天界寺

諸山遶天界千古鎮皇維  
蟠護階頭石龍蟠殿角碑  
慈雲籠寶樹佛日轉瑤墀  
六合資冥福春風萬物熙

養魚池

涵空一鏡碧日晚出纖鱗  
挾雨隔蒼海衝波碎綠蘋  
沔南誇丙穴周什薦嘉賓  
白首清江曲誰憐獨釣人

鳴率亭

晴高一片雪縹緲落秋雲  
縞袂風前舞瑤聲月下聞  
聽

琴多歲月衝錫出塵氛  
寄與乘軒者芝田好共分  
與薛十二過壽寧精舍得歌字

鳴雨過青嶂飛烟燒碧蘿  
庭空留鶴迹江靜聽漁歌  
長夏迎人少高年禮佛多  
飄飄飛錫處千里又相過

夕次同川

鴉噪晚涼天新情景豁  
然柳橋通水市荷港入湖田  
鷺影沙頭月人烟渡口船  
相過又相別書到是明年

贈鏡上人



山管夜瀟瀟天寒酒力消雁行衝雪斷燈影隔江遙渡  
口人爭岸船頭客待潮倦途誰慰藉風景不相饒

贈邊將

猶記登壇日長驅破敵圍兵隨營火出血洒陣雲飛殺  
氣吹戎帳腥風拂鎧衣肘懸金印大功壓萬人歸

舟次松陵

客路寒時盡愁懷到處同斷帆衝暮雨短笛咽秋風水  
碧沙雲白山青柿葉紅莫言詩費日光動錦囊中

望海虞山得蹤字

青山秋高疊詩寫晚愁濃瀑斷峯頭路雲藏谷口松藥  
爐丹氣上經藏碧苔封誰似仙翁靜階前掃鶴蹤

初夏雨坐

白雨傳疎點紅亭納快風荷香青浦近竹暗細泉通問  
道隨關尹橫經媿馬融衰遲竟何補江海任飄蓬

和陸公九日韻

秋聲橫笛外曉色畫屏中黃菊雙頭小青山四面同紅

衝官渡雨水落市橋風十日燕臺路迷窮興不窮

窓燈

窓燈搖影細城柝報更遙白髮愁偏重丹心老未銷雲  
陰籠月薄秋氣挾霜驕歸思如江水滔滔逐逝潮

晚出

短策扶衰病輕衫受晚風烟花連浦白霜葉墜林紅骨  
肉兵戈裡乾坤涕淚中飄飄江海上回首媿漁翁

抱病

力疾秋風裡扶筇步晚晴霜林朱果落江浦白雲明喪  
亂逢多難飄零媿此生故人分散盡懷抱向誰傾

春日郊行

宿雨露花潤春風步履輕石門雲氣白野寺竹陰清魚  
鳥親人喜山林照眼明乾坤任疎散杯酒度餘生

又

岸柳含烟碧山桃噴火紅長松落晴雪薄袂受喧風伐  
木隨樵子攜錢覓酒翁猶勝狂阮籍白首哭途窮



讀賈誼王粲傳

白髮悲王粲青春羨賈生萬言詞慷慨一賦氣崢嶸  
屈心猶壯依劉恨未平懷賢生長夜斜月半窓明

和友人韻

亂臣傾廟社禍本久胎胎萬里金城壞千原鉄騎來  
人心今日異天意幾時迴痛哭英雄老淒涼臥草萊

又

恩幸千年遇艱危一旦遭人材淹草莽勲業付兒曹死

又

戰酬明主兼金買佩刀歸來衣甲破蟣虱費爬搔

又

月黑妖星現雲紅戰火然魯連終蹈海樂毅又辭燕痛  
哭懷明主匡時倚大賢那堪頻眺望白雁落霜天

秋氣滿龍漠君王忽遠巡旌旗照天地哀痛著絲綸雨  
雪迷青野風雲動紫宸汾陽忠烈大一戰熄兵塵

宿嘉祕寺

寂寂青山寺千峯翠欲熏  
禪林黃葉落僧飯白猿分  
松磴吹晴雪柴扉鎖莫雲  
悟窮清淨理莫遣世人聞

山中值雨

風雨連天黑関河入望遙  
青山懷故國白首戀中朝  
小市河魚上殘城野火燒  
寄生岩壑裏生意日蕭條

待渡

待渡渾河晚懷人水國遙  
魚龍吹雪浪風雨送春潮  
百鍊丹心在干莖白髮凋  
茫茫今古意回首愧漁樵

雨和仲禮

朱夏多淫雨新涼報早秋  
疾雷翻電過遙海蹴天浮  
無計回乾造端居愧俗流  
滔滔天下溺誰軫萬人憂

詠懷

丙申歲作

白首殊方客奔馳戎馬間  
時危憂母老歲晚寄書還  
凍雪連荒野寒雲出亂山  
蒼茫西日外痛哭倚柴関

又

不見嚴親面光陰忽四年  
文章多散失勲業竟流傳  
故



塚燕城曲荒祠瘴海邊寒窓讀詩處新廢蓼莪篇

又

辛苦憐吾弟荒山久避兵素書連月斷白髮滿頭生雪  
窗燈影風涵戍鼓聲沉思憂百結寂寞度殘更

又

妻子何時見淒涼病轉侵虛傳千里信已負百年心短  
帽飛霜滿空階落葉深白頭吟正苦回首淚沾襟

山寺值雨

急雨過山寺鳴蟬送夕陽空階看雲起虛閣受風涼老  
柏吹香細垂蘿引蔓長林泉空白首把酒惜年光

七言律詩

秋日雜興

飛樓上倚沈寥天野色荒涼萬井烟落日荷花白舫外  
西風桂樹畫蘭邊明妃直泣琵琶月宛馬秋肥首藉田  
千古河山幾爭戰一登高處一潸然

寒食

一山文集卷三  
歲歲京華度禁烟房陵兄弟虎狼前莫傷佳節愁邊過  
且故深杯花下傳短枝白慙前席召多貪猶得故人憐  
王師早晚清幾甸穩種城南數畝田

清明遊城南

立馬高原黃霧消近城墟落亦蕭條人家上塚灑麥飯  
野老鋤雲種藥苗紅日金臺晴靄靄白鷗春水暮迢迢  
移尊淨掃莓苔坐多謝青山樹寂寥

寄省掾趙晞顏

不見先生十日餘臨流每欲寄雙魚馬卿賦好君王識  
阮籍身閑禮法疎落花啼鳥紛紛亂澗戶山窓寂寂虛  
春興定應題滿帙病中何得慰躊躇

自述

八口淒涼生事微中原羽騎日駢駢天寒歲晚歸難定  
水遠山長信轉稀青眼故人頻送米白頭慈母尚縫衣  
蕭蕭漢渚蕪葭老好向兒時舊釣磯

送別



北風吹袂晚臨歧日短天寒獨去時  
遠海漲空雲決濟亂山連塞雪  
參差惶惶兵火家千里寂寂生涯酒一卮  
傳語親朋好調護路難莫怪寄書遲

山居

小齋清坐校韋編水碧山青照几筵  
窈窕虛窓雲入屋蒼茫平野草浮烟  
階前村媪黃舂米門外溪童賣白鮮  
欲賦紫芝招隱士鶴書先寄隴雲邊

雪

地白雪黃雪亂飛虛簷風急撲征衣  
子猷入夜乘舟去蘇武殘年持節歸  
兵後殊方為客苦病來親友到門稀  
何緣得似兒童歲貂帽狐裘學打圍

又

開門飛雪疊階除宛宛溪山畫不如  
野火遠明喧獵騎茶烟半濕認僧居  
雲深空谷難尋路風急虛窓亂打書  
坐待春陽迴宇宙無端生意滿茅廬

河上

宛宛寒山入莫烟  
河流直到寺門前  
店頭買酒風吹慢  
浦口叉魚雪滿船  
翻覆世情堪大笑  
寬閒野屋得清眠  
虛堂月色明如畫  
獨坐清彈五十絃

和梅知府寄來詩韻

坐想親朋摧肺肝  
寄來尺素百迴看  
靈窓琴冊塵埃亂  
疋馬關山雨雪寒  
避地十年頭欲白  
去家千里淚難乾  
酒壺爛熯堪謀醉  
強撥羈愁一盞歡

又

東裝曉發雪滿路  
雲起荒山萬里陰  
菽水久違慈母養  
綈袍還見故人心  
哭憐阮籍窮途晚  
賦寫江淹別恨深  
春滿故園芳草綠  
東風門外聽車音

又

離筵酒盡暮烟微  
兒子牽衣泣草扉  
萬里風塵諸弟散  
十年江海故人稀  
少陵若恨無家別  
季子羞誇衣錦歸  
謾憶山窓嘯吟處  
湘簾花影疊朝暉

灤河



兩澗松聲琴筑哀水邊亭子酒壺開十年海鶴遼東去  
萬里灤江天際來沙路連城白似雪山光過雨碧於苔  
夷齊餓死修名在凜凜清風被草萊

歲宴紀懷

黃雲壓地雪浮浮虛館開觴散客愁白髮驚心催短景  
滄江入夢問扁舟時危每羨檀公策志大空懷杞國憂  
翻憶少年踈放處春風歌舞醉紅樓

舟次龍江

孤航小駐水西頭汎汎輕鷗對客浮海氣漲雲天整晚  
江風吹雨石城秋已將萬事歸詩帙苦乏千金醉酒樓  
欲向金川門裡住那堪回首戀滄洲

贈時中

白首相逢寥落中失聲一哭暮途窮霏霏江草愁邊綠  
寂寂宮花夢裏紅海微歸心懸夜月柴扉病骨臥秋風  
人情任逐東流水爛熳漫金尊莫放空

春日紀懷

平湖水碧動晴天獨樹花明簇暖烟小白肥鮮堪饌玉  
嫩黃新韭不論錢田園蕪沒從兒懶杯酒淋漓任客顛  
四海奔馳壓塵俗百年蕭散愛林泉

和梅尹寄來韻

栗烈晨風坐轉嚴日高晴鵲忽喧簷階前雪洗苔痕出  
門外春催柳色添姓字已歸迂叟傳豐穰屢問太人占  
村翁野老時相遇羨殺香醪如蜜甜

又

明晨鞍馬去難尋親友留連惜寸陰北極星辰連遠塞  
南溟風雪動愁心形容憔悴年暮燈火青熒入夜深悲  
回首高歌出門去天涯寥落少知音

暮春喜故人至

衰年懷抱向君開春晚留連把酒杯  
草霏霏含綠雨林花片片落蒼苔  
田園成趣聊堪適故舊相逢能幾迴  
揮翰題橋有空志白頭司馬媿無才

又



乾坤漸老百年身掃地焚香靜裡春巢燕向人爭學語  
山杯留客細傾銀迂踈無用真堪笑離亂相尋轉見親  
未卜此生歸定處青冥何敢更求伸

雨中偶賦

黯淡青林白雨飛隔花莫恨濕春衣恩霑草木生蕪遂  
聲到松篁聽轉微谷口泉清舒藥甲巖隈風亂打柴扉  
故園有屋多應漏幾日攤書曬夕暉

燕相府右傳王公為北平憲副劉公畫馬徵予為

詩

驍騰迴踏瘴烟底萬騎紛披不敢嘶天繞閭風追日較  
雨收沙苑散霜蹄金鞍先動青雲表玉輦馳馳碧海西  
白首何堪攀逸駕幾迴執策聽朝鷄

寄思溫尹

鷄泉邑裡識君初回首春風似夢餘惠愛新聞行旅說  
才名不愧史臣書花明白日青山靜稼蕪黃雲阜吏踈  
後夜林扉倍相憶高情莫忘寄雙魚

一山文集卷二  
又  
琴索虛窓風滿襟生來轉覺秋蕭森鶴翎新沐紫蘿雨  
雲氣迴隔青松陰太邱雅稱湖海士徐庶忽起庭闈心  
客懷寥落誰與語解榻徐君來聽琴

又  
山齋留客晚涼初茗枕吹香清夢餘雨過雲生松下石  
月明風亂枕邊書一家骨肉今無幾四海親朋轉見疎  
張翰秋來定歸去江湖隨處是蓴魚

又  
長松過雨碧蕭森涼籟吹香滿素襟泉落空潭秋洒洒  
雲生虛室晝陰陰塵埃書劍干山路風雨江湖萬里心  
客散衙門更清絕明朝誰聽紫瓊琴

又  
至道不返太古初玄聖一去千載餘養生近得南華論  
報國恥上東封書四海無家轉悽惻百年處世何迂踈  
從茲萬事可撥遣短蓑獨釣長江魚



又

虛庭無人坐開襟雲氣滿地何蕭森老夫懷友傳尺素  
稚子讀書惜分陰小窓涼月破烟夕遠道秋風傷客心  
美教遵城令尹好安得細聽堂上琴

定興道中

雨外好山青近人峰迴谷轉兩溪分  
聯嵐翠靄浮秋樹  
隔塞清船落莫雲農事喜聽田父說漁歌時近水村聞  
只宜濁酒林亭下解帶風前醉夕曛

別山中友

峯迴徑轉雪嶽峯隱者柴門費獨尋  
谷口斷雲遮草屋  
樓頭斜照隔楓林黃金買貴交游絕  
白首窮經歲月深  
明發分襟兩相憶那堪寥落動愁心

喜王延齡至自金陵

雪屋燈寒夢見君  
話朝車馬競紛紜  
江湖險阻多親歷  
骨肉平安得細聞  
點筆詩篇多白雪  
驚人風彩照青雲  
我衰不入鸚鵡侶  
還好常隨鹿豕羣

詠雪效時體

沉沉仙館靜無風  
光動霄衢縹緲中  
玄圃暖涵瑤草白  
綠窓春綉錦機紅  
皇天有道開豐稔  
詩趣無邊入混融  
為問兔園張宴處  
滿堂豪客賦誰工

又

長風捲海白漫漫  
三島樓臺畫裡看  
瑤席香銷金鴨冷  
銀河水湧玉龍寒  
春翅萱草芽初出  
鵬盡梅華信轉慳  
清曉天門占瑞象  
日車飛上五雲端

又

隔屋狂飈怒擊撞  
一庭皓彩翳寒缸  
星妃夜翦銀河水  
雲朝氣橫玉女窓  
梁苑賦成誰第一  
灞橋人去更無雙  
到門疑是洛陽令  
有客尋詩驚吠厖

又

留客同傾北海尊  
疾風吹霰落紛紛  
虛軒夜氣浮書潤  
迴野春聲隔樹聞  
密洒南樓清護月  
橫堆西嶺白連雲  
呼童閒掃長松徑  
幾片飛來亂鶴羣



又

瓊葩春遠畫樓飛  
畫捲珠簾認翠微  
影落玉堂翻硯沼  
先搖金殿晃朝衣  
長烟壓樹難尋路  
遠火燒雲正打圍  
明日出門好晴景  
冰花滿帽散珠璣

又

雲飛大野曉模糊  
水國微茫一雁呼  
風起四簷翻玉樹  
天移萬象入冰壺  
子卿持節終歸漢  
裴相乘虛急破吳  
五稼從茲兆豐稔  
老農爭說往年無

又

曉寒著人肌粟生  
空階頃刻一尺平  
開門起視天地白  
掃榻坐愛琴書清  
州行竹樓驚碎玉  
許家仙子誇飛瓊  
東鄰西舍醉新酒  
蹇路細踏春風行

又

訪載曾上王猷船  
持節不齧蘇武羶  
苦吟傑出柳絮外  
清風迴繞梅花邊  
芸窓夜白照書卷  
山肆曉寒增酒錢  
安得九夏復如此  
松下長教鷺晝眠

又

海天空濶白成堆  
塊北春從地底迴  
紫禁晴飄龍尾濕  
藍閨寒撲馬頭來  
婆娑起舞多妖冶<sup>治</sup>  
頃刻開花巧剪裁  
清氣無邊墮詩境  
迴排雲氣上瓊臺

題萬松金闕圖

袞冕曾迎鳳駕來  
烟沉金闕半蒿萊  
霞蒸日氣紅初上  
雲壓松陰黑半開  
玉井霆轟龍起蟄  
虛窓笙響鶴飛迴  
前朝事往雲無跡  
愁聽江聲入夜哀

贈古淵上人

廿年轉走虎狼叢  
名利荒寒到處同  
杳杳木杯鯨浪外  
飄飄金錫屢雲中  
詩篇想見推敲熟  
乘法爭傳大小通  
偶此相逢破愁寂  
苾檀香裡生薰風

與戴元禮黃山人期登石經山謁道陵而山人不

至

百年登眺問誰宜  
澗轉林迴石磴危  
潮落空江秋笛起  
雲生虛室夜鐘遲  
廟門雨黑愁山鬼  
階草霜黃集野麋



天地無情歸浩劫一尊聊復散襟期

京口夜泊

醉客滿船<sup>秋</sup>月明隔江燈影逐人行帆衝雨脚迴京口歌  
鐘送潮頭打石城南渡衣冠愁北望東臯蕭鼓報西成  
桑田海水依然在不管人間有變更

喜而成詩

此必鶴  
詩晚題

道林深處竹為桓愛爾胎禽喜欲言月下聽琴留丈室  
雲邊錫衝入祇園故遊芝圃騰清歎碎踏松陰舞小軒

華表秋高看遐舉青天萬里雪飛翻

送呂秀才入道

賦罷長楊戴鶡冠笑人慕道不休官窓間風雪三餘學  
林下姻霞七返丹白社年深成雅會紫垣秋靜禮虛壇  
夜窓欲問長生術月轉虛樓十二間

杏園

好花紅白出鄰牆競賞何妨到夕陽探信屢逢金榜客  
看梅稀出碧雞房朝霞籠日綃衣薄晴雪翻風珠酒香

我憶城東好庭館幾陪詩老醉瓊觴

亂後入城有感

金湯天險盡成隙遺老空傷漢鼎移城拆亂鳴寒雨夕  
酒旂斜掛夕陽時田廬荒蕪無人住骨肉奔逃到處疑  
最是多情雙語燕向人如訴主人悲

松陵獨眺

誰家隔水散柴扉白浪粘天隔翠微紅葉秋風宮路斷  
蒼江暮雨釣船稀尋幽野客携壺至解夏山僧振錫歸

聖澤只今沾澤處松陵草木駐光輝

登雅宜山

雞犬柴扉竹裏開仙人別住好樓臺松聲忽向琴心起  
雲氣遙從澗口來六代衣冠隨水去百年天地逐輪迴  
興亡總付登臨外爛醉春風卧碧苔

羊祜廟

勳名冠絕復全身兩晉如公竟幾人廟枕吳江非故跡  
碑橫峴首哭遺民空壇曉霧沉荒樹斷壁秋風掃暗塵



老淚向人收不盡愁邊和雨濕衣中

琵琶

雨霽銀潢萬頃秋芳妍爛熳競相酬雲山有分老復老  
勲業到頭休便休鑿落金杯從浩蕩琵琶玉手喜纖柔  
一年無似今宵好醉倚西風十二樓

和獨卷詩至此止

移教房山留別雄縣周尹

隔水青山畫舫西亂雲芳草思淒迷江淹賦好傷離別  
李白名高入品題花落空階春色澹鶯啼深樹午陰齊

明朝相見歸來鶴飛向秋風覓舊栖

雪和饒侔

散亂飛雲落帽簷層磚玉簇峯尖野梅放白寒香凍稜  
村醞傾紅臘味添雲壓蓬婆迷羽騎風迴金爵撲珠簾  
出門三尺無人掃好為豐登取闔拈

又

風起六花飛滿簷倚樓延認遠山尖白生虛室靈襟靜  
清逼疎梅道氣添羽駕曉臨瑤島路屏塵寒隔水晶簾

梁園賦好人爭寫健筆凌雲信手拈

周大尹惠香

天香滿袖出蓬萊雲氣溟濛接上台芝圃秋前新採得  
玉皇案側遠携來九門傳詔銜雞舌百和薰衣笑鹿胎  
喜甚蘭交許必贈小軒焚處贈風埃

和前韻周尹

旃檀林迥絕蒿萊瑞靄熏蒸自鼎台旭闌芽和露摘秋  
風挂子逐雲來丹爐夜久龍嘘氣玄圃春深鹿養胎細

掃虛軒藝嘉種斷無俗客踏芳埃

周大尹惠香還

使旌秋出鳳凰臺吳楚千峯紫翠開水伯驅潮催航轉  
豐霑挾雨逐車迴琴邊白鶴迎仙蓋席上青雲照酒杯  
好是紀行詩酒帙驚人麗句壓瓊瑰

和前韻

青雲北起望金臺路入瀛州島嶼開曉日歌樓湖上出  
秋風征旆雁前迴明虹斜照參差雨遠海平鋪漱灑杯



好寫江山入吟思酒邊爛熳掃瓊瑰

雄縣尹周氏詹檜賦

獵火宵明雪半乾於菟盡縛血爛斑城門缺騎衝雲出  
塞嶺金笳奏月還葉縣春迴渡寫靜偃堂畫水一琴閒  
燕臺馭捷思先近名重清朝玉筍班

和周尹韻

雨餘秋水透清軒心跡凌清好莫言松寺尋僧陪鶴侶  
沛簷對客數雞絲年光任再驚殘夢生事蕭條憶故園

兵後故人知好在那堪白首卧衡門

又

雨送微涼入小軒日高深樹聽禽言松崖花落蜂成窠  
芝圃苗肥鶴引孫黃卷暗銷閒歲月青山宜問好田園  
踈簾清簟琴觴靜時有高人訪筆門

雪中退朝

雪舞迴廊亂打人朝回馳馬路無塵天粘白海橫飛練  
風轉彤墀細疊銀詩氣涵虛清到骨梅魂襲月冷凝神

直須借與調羹手遍洒名藩作好春

謝葉奉祠公羽贈冠

蓆帽征塵拂轉難寄來章甫壓如酸逢萌忍尚清朝掛  
貢禹欣逢友故彈青鏡不慙欺白髮丹邱還好覓黃冠  
暮年文彩凋零盡誰寫衰容畫裡看

贈雄縣劉尹

老成器業少如公政譽堂堂壓茂恭一片靈臺霜鏡裡  
三桂枝仙桂月輪中仁香凝鴨島琴堂兩木落虹落酒市風

欲寫漢庭循吏傳滿川煙樹晚濛濛

春日

柳外旂亭傍水隈花前留客到金杯青雲暗抱日華轉  
碧草暖隨春色迴遠道自憐衰力盡好懷常向故人開  
輕衫短策東風裡白首蹉跎望隗臺

朱長史致仕還里

委佩聲還轉禁池每依朝彩認龍旂白頭強健追班早  
青瑣從容侍講遲天上宸章優老日里中孫子望歸時



多情好是長淮月時逐心旌照玉墀

和安常寄山中友詩韻

郭西山好住多年採藥林深踏紫烟黃鳥間聞春雨裏  
青峯廻合暮雲邊蝸廬疎漏看兒葺蠹簡紛紛對客編  
兵後故人成遠別那堪回首意蕭然

又

清朝雅望稱高年臺閣文章入渾然清禁從容親講讀  
素書珍重問林皇花明別館尋幽到酒熟良朋取次延

寂寞山中舊遊處紫苔蕪沒種芝田

又

白頭覽鏡愧衰年清曉繙經興杳然山疊錦屏橫斗極  
岸分珠雨落風泉夢回隔水聞僧磬飯飽耕雲種玉田  
多病馬卿空有賦謝官陶令未歸年

朝使至雄縣理賑民事

燕塞秋風幾日留華延文采射珠球青雲擁路隨金節  
白雪翻歌遠畫樓荒政有條先散利富民得策定封侯

祇存一飯忠君意接武夔龍贊帝猷

挽張及民先老生

寂寞城東一畝宮百年遺響寄孤桐巢由杖屨雲山外  
陶阮生涯酒榼中祠僻鬼燈燃夜雨墓門翁仲嘯秋風  
招魂不隔瀘溝中水淚洒霜林萬葉紅

松隱

松林宛在草堂西隔樹嵐光望欲迷風磴曉吹蒼雪冷  
洞門秋枕碧雲低蜂房溜蜜看兜割葉裏關心對客題

南望九華懷李白月明霜白斷猿啼

詠保定尹祈雨

憂心太守祝民禧紫霧涵香護錦衣潭底雙龍驅雨出  
廟前五馬踏雲歸銀潢水滿通丹石井室烟深濕翠微  
斜日金臺情景好酒旂風裏麥禽飛

入

吳蘭裁成秋水寒炯然光彩動柴關香分梅蕊飄金潤  
色奪梨花襯玉環石几淨堆春雪冷瑤窓輕拂曉雲閑



更林白社多年別好與題詩寄鶴還

高生規當歲貢過生日

天風環珮響珊珊瑤海秋高玉母還好著菜衣娛鶴髮  
要將董策覲龍顏霞翻錦幟金鸞殿日射丹墀玉筍班  
待得瓦橋春雪霽馬嘶官路彩雲間

和陸公九日韻

國祚綿延類岱高奎光炯炯照南宮帝王道統歸精一  
臺閣文章入混融射策直須追賈誼草玄何必數揚雄紅

張儀更是豪談者吐出青天萬丈虹

和宣文劉仲德詠雪

虛軒看雪曉光微却憶淮西破賊圍春甕秋開千日酒  
海塵不染六珠衣天寒紫塞黃雲合風急蒼江白雁飛  
高卧忽聞佳客至衣裳顛倒出荆扉

兜顛

月落荒村白霧收曉行霜氣嚴貂裘星連紫極龍光動  
海入青天蜃氣浮風壤漸通遼霄部雲山直接契丹州

皇皇北鎮神靈在好馭飈車到上頭

沙河

沙河市頭黃葉飛沙河道上行人稀天陰古塚狐狸出  
雪滿霜田雁鴛肥百錢魯酒足供醉十歲溪兒能打圍  
別家三月不得信關塞蕭條何日歸

送張都司赴浙省

朔方豪傑氣如虹往佐名藩好立功泰岳陰風吹雨點  
淮雲夜火照雪紅江南親舊多年別海上音書幾日通

投筆封侯亦奇事草玄應是笑揚雄

山北魚憲黑思仲義以宗正郎中召還予時在會

州以詩送之甲辰歲月云

千里関河積雪深星軺西發馬駸駸黑山霧雨連窮海  
紫塞風雲接上林到闕應持運使節上堂光慰老親心  
邊城日晚多豺虎送別那堪淚滿襟

登隗臺

好風吹入袂上金臺旋脫貂裘換酒來春日郊扉光黯



澹夕陽樵路水縈迴都人猶記燕昭事朝士爭誇郭隗  
才千古興衰總陳迹斷碑剝落臥蒼苔

送翼主歸相州

千營兵氣黑沉沉閑塞蕭條草木深蛇伏黃蒿噓毒霧  
鬼吹青火出空林兒童老大不相識墟墓荒寒只自尋  
親在遠遊煩愛惜書來應抵萬南金

雨

熟睡昏昏白晝長翻盆急雨洗炎光天連遠塞霓旌濕

風渡雲樓燕煖涼竹裏疎花紅灼灼前窓流水碧浪浪  
山中米麥好應好抱膝長歌喜欲狂

別易水諸公

一家遠隔萬重山古道人稀獨自還夜月屢傾燕市酒  
春風又度燕門閑晴天雨散千峯外野屋雲生半席間  
兄弟何時重會面燈前相對話時難

憶王氏兄弟

大野荒寒起夕陰殘蟬幽咽亂清砧虛庭宿露蒼苔滑

遠道秋風黃葉深  
烽火未收三月信  
田園空負百年心  
多情好是西城月  
時向愁邊照苦吟

憶長安

鐘殘水國夜初分  
雪屋燈前夢見君  
阮籍窮途隨處哭  
杜陵詩好幾迴聞  
青山故國迷煙月  
白雲閒情寄水雲  
若恨東風不相識  
吹人愁思轉紛紛

送燕倅

祖席衣冠盡士林  
秋風古驛馬駸駸  
考功不媿循良傳

遮道還憐老父心  
日長影高三殿曉  
霓旌光動五雲生  
歸時正及梅花放  
一路吹香雪滿襟

挽許璘

碧海珠沉夫夜明  
青雲器業竟無成  
空歌周頌有高廩  
不見宣尼畏後生  
古墓雲依飄隴樹  
白楊風急捲銘旌  
傷心忽過西城路  
易水東流送哭聲

題呂仙翁廟

策名文彩動蟾宮  
飛上丹梯笑葛洪  
劍影冷涵雲氣濕



笛聲清繞月輪空  
黑翻詩壁研磨外  
神現松精候謁中  
幾擬細詢仙歲月  
芙蓉溪山又秋風

題金山寺贇陸先生韻

天連泗水水連天  
烟鎖孤村村鎖烟  
寺遠薜蘿薜遠寺  
川通巫峽峽通川  
酒迷醉客客迷酒  
缸送行人人送船  
此會應難難會此  
傳今勝古古今傳

往郎山

郎山宛在瓦橋西  
烟樹蒼茫望欲迷  
把酒花飛愁處滿

送行詩好別時題  
冷冷古調南薰細  
奕奕高名北斗齊  
此去心旌好相照  
素書幾日寄幽栖

春日雜興和前韻

隔溪茅屋曙光分  
藜藜紅映<sup>桃</sup>此君烟  
團藥苗晴後種  
風窓香霧靜中聞  
秦人無復歌黃鳥  
華岳猶堪臥白雲  
怪殺楊花輕薄甚  
滿衣吹作雪紛紛

又

水村幾曲路斜分  
烟寺西邊訪隱君  
白晝暄風吹酒醒

青林啼鳥隔溪聞  
一竿好釣幾頭雨  
隻孖誰耕洞口雲  
碧柳紅桃滿春色  
那堪歸思轉紛紛

送知縣

縣齋寂寂遠塵氛  
草滿園扉翠欲熏  
日轉棠陰侵席過  
風迴琴響隔花聞  
水分九派通滄海  
地擁三閩壓紫雲  
河朔近來為令者  
路人爭道不如君

又

長亭雲樹擁行鞍  
意欲留君計轉難  
竹騎豈惟迎郭伋

蒲鞭直欲繼劉寬  
班聯曉陛承殊寵  
績考春曹陟最官  
此別信知應未遠  
楊花香襯馬蹄還

東林園

匡廬遺想定如何  
文物風流也自多  
月滿空山號虎豹  
日穿林樾漲藤蘿  
青蓮結社朝乘犢  
白水漁竿晚浴鵝  
多半蟠根是仙李  
向陽板葉更

五言長律詩

燈夕



燈簇上元夕花明仙苑春星球懸碧落雲幄護朱闈歲  
律時當午斗杓昏建寅六龍御丹極萬象入洪鈞淑氣  
東浮野羣星北拱辰樓頭霞散綺牆角雪銷銀已弛金  
吾禁應無丞相嗔鼇山橫火樹獸錦疊文茵玉漏傳疎  
點香燄逐暗塵篆煙吹繡幙簷霧濕紗巾紫陌雞鳴緩  
紅橋馬過頻珠圍韶帕窄梅妝粉容新詩就題千帙筵  
開直萬筵酒光搖灑灑舞影起紛綸序齒先耆艾忘形  
略主賓聯翩仙子佩窈窕女兒身疊唱凌天籟爭歸步

月輪閤閤喧小子簫鼓沸蒼旻童稚扶翁媪優伶學播  
紳青雲文雅士白髮太平民世喜消鋒鏃正羞祀鬼神  
歡呼稱歲稔傾倒見天真留滯無羈旅敢斜有醉人宴  
游逢霽景款曲會良姻是物恩波洽諸方化雨均腐儒  
猶故浪令尹獨清貧屢辱情過厚從知道欲伸得人類  
言偃愛容陳即遵聞望騰中外公忠出等倫威儀嚴可  
畏襟度潤無垠公署鈔琴譜費堂禮席珍河頭爭虎渡  
桑上雉相馴五袴歌方振三農業已勤官清文字簡鄉

飲德風淳我已成  
迂朽行將賦隱淪  
弟兄皆鬼物  
田畝判荆榛  
周急煩賢友  
持家養老親  
竒才推葛亮  
曲學陋平津  
松徑荒烟裡  
茅堂野水濱  
讀書逾嬾慢  
撫事幾悲辛  
碧蘚侵碁局  
紅蕩沒釣綸  
髮蓬苦捫蠶  
衣破嘆懸鶉  
處慚先哲間  
闕類逐臣多  
情依木石無  
分畫麒麟  
城市那從俗  
山林擬卜隣  
業惟歸竹素  
莫書上楓宸  
性入禪家學  
歌隨樵客  
介生涯  
甘寂寞  
率物貫陶甄  
高尚尊嚴子  
賢良笑却  
詵天涯  
正愁絕  
回首遇雷陳

盧龍

迢遞盧龍塞  
蒼茫藥水波  
青林雲氣重  
白澗雨聲多  
秋晚蜂成蜜  
雲間鶴踏莎  
柴門臨碧澗  
草屋傍霜柯  
尺馬過沙蹟  
孤烟挂薜蘿  
蓮峯看綽約  
話石對嵯峨  
四皓終歸隱  
三良謾有歌  
行藏吾道在  
何必嘆蹉跎

七言長律詩

擬上太傅丞相

燕在罇空積雪晴  
煌煌虎旅控幽并  
太公制敵分竒正



方叔行兵屬老兵霜壓貂裘寒氣重星涵龍劍夜光明  
日華冷射魚鱗甲霞彩朝迎鳥羽旌宇內勲庸扶帝業  
帳前金鼓震天聲三槐曉雨青浮砌萬柳春風綠滿營  
獵火燒雲烟四合轅門傳令月三更屯田有策年方稔  
刁斗舞聲夜不驚仗繞中堅排隊出弩驅前馬著班行  
家藏書史傳賢子國有旂常播令名炳烈精忠通紫極  
涵濡德澤到蒼生雨封亭爵承殊渥百戰河山定太平  
門下衣冠多俊拔胸中湖海愈泓澄腐儒漂泊身如寄  
破屋荒寒病轉擢七袞慈親傷老朽一絲微命轉伶俜  
田園蕪沒憂生養骨肉分離憶弟兄水滿釣灘聞桂楫  
烟迷鄉樹隔柴荆相君下顧千金價士類同傾萬古情  
生意從茲在葑屋謫材何用請長纓

和陸公九日韻

絳車曉發萬人看春入燕臺雪半乾聖代人材徵梓杞  
憲庭風采接鴛鴦蟾宮露冷三花濕象簡霜飛六月寒  
北闕焜煌承帝綽東林蕭瑟閉詩壇繡衣勸講臨芹沼

鄩屋懷賢賦考槃定有奇勲登汗竹豈無宏策上金鸞  
天邊紫氣涵龍劍江上青山近馬鞍玉笋班聯三殿外  
瓊林光動五雲端煌煌嘉瑞鍾神秀晶晶滄溟得木難  
朝著人爭傳姓字慈聞書喜報平安水懷黃閣千金重  
自保臣心一寸丹走也向來成考朽短簑烟雨夢漁竿

五言絕句詩

立春日試筆

霞塢光相炫冰池凍半開影隨瑤色香起逐綠折來

壯士

走馬過營門金甲吐光焰笑我讀兵書何如去學劍

燈花詞

彩發虛明間性涵膏火裏彪外而湖中花豈知報喜

賣花

風送賣花聲花香撲珠酒買盡擔頭春半是青樓婦

出中見王旣

笛弄林間月簾披隴上雲朱門半消歇人笑不如君



聞雁

流響迷湘浦餘哀隔隴雲  
角殘燈外聽鐘定枕邊聞

東坡洗硯池

毫分赤壁雨墨染蜀山雲  
折照龍蛇影波涵星斗文

贈隱者

聽鐘尋野寺隔樹扣雲閑  
鶴臥琴窓靜樵歸碁局閑

水閣夜坐

松風遞清響竹露滴涼秋  
天水靜涵月照見浮生浮

魚跳蓮水影蟲落打琴聲  
開軒掃明月吹簫送殘更

言六絕句詩

菊溪

荒徑雨苔未掃踈籬霜  
並先開綠酒從人故飲  
白衣為我携來

山行

村村寺寺竹好水水山  
山路遙林鳥催人喚酒  
野色隨車過橋

題逸士圖

秋思枕邊踈雨年光葉上驚  
颺從渠得馬夫馬笑我操

瓢棄瓢

春日即事

蝶弄花心初日鶯啼門口殘  
春半嶺半岩古寺一觴一

詠高人

題畫

虹彩明涵秋雨蟬聲暝咽殘  
陽人境不殊仙境醉鄉真

是吾鄉

七言絕句詩

初二晚涼登東樓

瑟瑟青楓水郭秋買雞携酒上東樓  
一瓢欲贈山中客  
擲上青溪傲許由

經夢筆橋

風起湘波斷冢津長歌別恨寫悲辛  
揮毫幾擬題橋過  
翻愧當時賣賦人



越王臺

越王臺前江水深  
越王臺畔草森森  
五湖明月青天上  
照見鳴夷萬古心

又

陸生賦冠六朝文  
擲地金釵一座聞  
莫聽吳歌過江去  
洲前花月夜紛紛

客中喜金震見訪

翻翻霜葉飛還墜  
寂寂風扉掩忍開  
莫向尊前問僧臘

海門秋色逐朝來

贈彈箏人

秋恨斜飛啼恨深  
示將燕調雜吳音  
人人竟聽拋紅錦  
悔殺當時苦學琴

題垂虹亭壁

金尊綠酒蕩晴空  
花壓雙鬟舞袖紅  
莫唱何哉渭城曲  
銀箏嗚咽怨秋風

送白楊長老

龍天擁護大洒西江上分襟綠草齊一路藤蘿秋色裏  
山山樹樹白猿啼

又

鶴隨金錫忍飛還踏徧吳雲越樹間一髮遠峯斜日外  
認來多是九華山

立秋夜聽秋聲

漠漠微雲生曉陰滿庭虛籟薄霜林有聲元在無聲裡  
聽到無聲思轉深

春申君

歌七怕淫忍復論指胎畫市君恩區區纂立成何事翻  
與皇家闢禍門

隗臺

野老留人不肯住半醉扶筇入山去天風吹上黃金臺  
放筆縱橫寫長句

山行

山壓金臺萬萬重尋幽盡日少人逢况聞水北田廬好



白首躬耕學卧龍

沙岡曉發

白波滉蕩搖青天  
隔江打鼓是官船  
天涯漸與故人遠  
客懷寥落秋風前

對月同文禎宗允賦

寤裏娟娟約月光  
牀頭顧影轉淒涼  
東書幾日還山去  
露坐彈琴秋樹傍

送知縣

朝廷考績推循吏  
暮夜辭金謝故人  
願借寇恂憐父老  
早歸重看瓦橋春

挽蔣濟川夢妻

土蝕瑤釵摧白雁  
霜沉錦瑟斷朱絃  
靈幃燈暗陰風起  
忍見孤兒掛紙錢

一山文集卷三

序

釣魚翁詩序

元李繼本撰

釣魚翁爵祿其入其心惟嗜魚故釣輒得魚寂寞之濱  
 投竿而漁有不知寒暄之改候飢凍之迫身欣歲之易  
 慮蓋嗜之篤故久而不能忘初非阨於生事而藉以湖  
 其口也至於得魚與不得魚亦未嘗計得失而渝其所



嗜也大抵嗜因物而觸於心雖古之人亦曷能無所嗜哉故秋之嗜奕伯牙之嗜琴中散之嗜鍛伯倫之嗜酒張旭之嗜書皆以之而生以之而死而不能少置焉者豈直釣魚之嗜魚乎雖然翁之嗜吾固得而知之翁之志吾不得而知之也昔者呂望釣渭而薦揚之師寔開有周之鴻業子陵釣桐江而一節之高式重大漢之九鼎蓋其所嗜者小而所志者大也翁老兵其於魚也嗜之而弥篤此其志予誠不得而知之顧嘗觀翁往來

釣魚處空山水寒魚鳥間暇超然有出塵之想得不使人懷非熊之吉夢而慕江湖之高風者乎國家方求興王之佐不召之臣翁乎其不獲終老終山澤也審矣彼龍伯之誇任公子之誕真莊生之寓言耳不足為翁道也翁曰我知釣魚而已餘非所及也已而有野樵過之翁酌以酒而歌之曰爾樵之適兮我釣之逸兮取樵以湘兮取魚以兮食漁兮樵兮足以放吾之迹兮歌竟翁謂樵曰子去吾將釣吾魚釣魚翁謂李仲學而野樵則

翁之同姓延興也野樵序

禱雨詩序

劉侯為繁峙丞政務寬簡民物清晏郊野無犬吠之警  
洪武辛亥夏不雨民嗷嗷無生意侯適以事詣大府未  
遑恤也縣父老亨於龍祠以禱之弗應編禮羣祠又弗  
應自是奔走告祀不懈益度五月二十有二日乃雨民  
以為未洽也未幾侯疾事還盡然傷之乃潔齋致誠徒  
跪露髻斟水於南山之龍湫備以香帛奉以牲酒以荐

于羣祠以享以祀以祝以祈以罄夫悃悞之誠時六月  
七日也是日晝漏下二十刻青天無雲炎光燭地薌燎  
始上浮靄四垂霞颺迴旋雷電訇發感格之機既昭滂  
洽之澤斯至越九日乃雨明日又雨又明日大雨民翕  
然以樂躍然以忭而驩然以更生邑之士感見之歌詠  
而謁于序其端余惟記不云乎天降時雨山川出雲蓋  
雨降自天信非吾人所能力致者然而有可致之道焉  
何也吾盡吾誠焉耳惟誠可以開金石貫幽顯動天地



感神明雨澤之降毋惑也况侯為民以請命而謁誠以  
顧天精意昭垂洞達無間天其有不應者乎昔者唐叔  
有善政而禾同穎景公出善言而星退舍李廣利拔劍  
刺山而飛泉湧出與夫劉昆熄江陵之火韓愈開衡山  
之雲感應之機古今一轍固非方士者流以奇術秘計  
黃鼓乎頡蒙者比也予田野之細氓沐侯之惠深謹撫  
其實而序之侯字仲儀江西人

送北平行大都督府掾宗德章序

北平古為邊壤壤唐虞三代曰幽都周秦戰國曰燕隋唐  
曰幽州自召公始封至顯王滋大晉慕容燕唐安史五  
代劉守光皆盜據其間金源氏始建國帝其疆入國朝  
悉歸於職方風氣勁武河山雄麗五方走集蹄雷鼓風  
險阨繁富為西北邊最洪武初乃行大都督府以鎮之  
壯形勢固關要也宗公德闕

茹孝子詩序闕

送判官旦侯秩滿序闕

送學生於徵劉素赴成均詩序 闕

送林縣丞序 闕

學仙集後序 闕

送永清稅課副使胡彥中秩滿序 闕

送北平分教朱有常序 闕

送安肅縣主簿王文昭序 闕

送武先生歸里序 闕

送胡希一游秦叙 闕

節婦金夫人詩序 闕

送雄縣宰程侯後序 闕

送易州奇峰口朱巡檢秩滿序 闕

鄭氏義讓序 闕

蔣氏族譜序 闕

送徵君嗣宗赴遂城鄉學序



一山文集卷之三

一山文集卷之三

與高君厚書

高君厚

與高君厚書

與高君厚書

與高君厚書

與高君厚書



三

